

Boccalini

Ausschnitte aus dem Programm 2007

Dr Didier Cuche und Co lönd ihari Ski lo khea,
Und bi da Skispringer gits nur no Schlägereia!
Denn alli wänd uf z'glatta lis bim HCD,
Dr von Arx find au det im Summer sina Schnee!

D'Romana, dia händs Gefühl ma müass si schütza,
dr schlechti Ilfluss, dä isch so viel z'gross vom Tüütscha.
Drum het dr Grossi Rot ganz schnell as G'setz bereit,
Bi 40% romanisch bisch kei Minderheit!
Das hätt im Prättigu a riisa Angscht usglööst,
Ma fangt a Unterschrifta sammla, ganz wia g'stört.
Jo dei, was gschieht dr Annadeta us Selfranga?
Wenn's „graz-cha-fitch!“ sött säga, statt wia bisher „tanka!“

Transreno isch an absoluta Hit,
Bus und Bahn sind für das Projekt top fit!
D'Schwiizer-Nati zünglet erfolglos mit am Streller,
Dia brüchtend halt wia miar dr schlau Dieter Heller!

Schön isch's im Val Poschiavo und au in dr Stadt,
Doch dr Claudio Lardi hämmer zimli satt!
Wänn sini Amtsziit endlich isch verbii
Kann er als Pausaclown zum grossa Zirkus Knie

Im Gäuggeliquartier gits kaiba vieli Dealer.
Dr Tenchio regt sich uf, und das no meh als vieler!
Villicht söt er a Huus go bauer in dr Greina.
Wetsch du an Tipp vo üs? Züch du doch uf Valzaina!

Dr EHC gits, denkend eu, au immer no.
Das isch dänk, bis dr Churersee khunnt no aso.
Dr letschti Platz bsetzend si definitiv für sich,
Im welscha Dörfli während si wenigstens uf em Strich...

Wer redet denn so gschwulla wia dr Asterix?
`S tuat weh in dä Ohra so schnell und hoch und so fix!
Rechna tuat er so g'schid wia frühaner dr Euklid!
Ihar gönd net falsch, es redt dr Regiarigsrot Martin Schmid!

Dr Dabel Ju Bush isch uf dr ganza Welt dahei,
Er platziert uf am Erdball sini Kriager ganz allei.
A heissa Droht noch Moskau findet er viel z'gewöhnlich,
Er tschättet liaber mit am Great Lovely God persönlich!

Dr Gerhard Schröder organisiert verfrühati Wahla
Und tuat noch Urnaschlüssig grad wiana Sieger strahla.
D'Angie rüaft: „Z'Gebahra vom Schröder isch a Hohn!“
Doch dä strahlt nur weg dr Höchi vo sinara Pension!

Dia drei Stadtröt vo Chur und ihra Schriiber
Sitzend z'Flims an dr Sessiun, als hettends liber!
An Tag spöter sinds im Neatstolla z'Gascht,
Jetzt nimmt üs wunder, wer im Rothus für dia schafft!

Dia Herra Blocher, Brunner Muurer und Mörgeli,
Händ mit dr SVP so ihri liabi Sörgali!
Für d'Nationalrotswahla im Herbscht 2007,
Wänds 100'000 Stimma meh uftriiba,
S'isch sunnaklar, si wänd dia stärkschta sii,
As brucht a Politik, das'd wieder Freud hesch Schwiizer z'sii,
Doch witari Parteia jagend z'Volksvertraua,
Dia wänd dr SVP a huufa Stimma klaua,
Dr Ueli brüllt: „Es müand eifach Idea kho!“
Ma könnt das Johr au d'Asylanta wähla loh!

S'isch kurz vor Wiahnacht, dini Feria fünd jetzt a,
Scuol isch dis Reiseziel, drum stohsch du bim Vereina a.
Kriegsch endlich z'Billet an dr Kassa, seisch zu Frölein: „Lönd sis sii,
S'het sich erlediget, d'Feria sind verbii!

Jetzt häts an jeder Stadtbushaltstell Elektronik.
Numma öppis kann dia Elektronik nonik.
As fählt dr Hiwis ob dr Stadtbuss in zwei Stund,
Direkt im Hüsli oder voram z'halta khunnt!

As händ diversi Zürcher Tuba reagiert,
Und vor am Nescht dr kröpfti Südaaflug probiert.
Jetzt mischt sich no dr Philipo Leutenegger ii,
Villicht g'sieahrt er jo drum, aso verschissa drii.

Häsch a Büchs wia d'Paris Hilten, dänn bisch top!
Kasch net singa, wia dr Gimma, machsch Hip Hip!
Bisch an Grossrot machsch net vor dr Schranka stopp!
Und heissisch Claudio Lardi, dänn bisch du an Flopp!